

Zarraoa: «Medioa ez ezagutzearen ondorio dira egin zaizkigun kritikak»

EITBko zuzendariak Herri Kontuen Auzitegiak esanei erantzun die

Iñaki Zarraoa Euskal Irrati Telebistako (EITB) zuzendari nagusiaren iritziz «medioa ez ezagutzearen ondorio dira EITBri egin zaizkion kritikak». Era horretan erantzun zizkien atzo Zarraoak Eusko Legebiltzarrean Herri Kontuen Euskal Auzitegiak EITBri eginiko kritikei.

GASTEIZ

Izan ere, Herri Kontuen Euskal Auzitegiak eginiko auditoriak zera zioen, besteak beste: EITBren kudeaketa, nahiz eta legezkoa izan, maiz ez dela batera eraginkorra. Auditoria horretan bertan, estudio eta unitate ibiltarien erabilera urria kritikatzeko da, eta baita kazetariak euren lanorduen % 5 prentsa irakurtzen ematea ere.

Zarraoak garrantzia kendu zien kritika horiei. Bere ustez, «edozein elkarteri, edozein motakoa izanda ere, auditoria bat egiten zaionean logikoa da jasoko duen puntuazioa hamarrekoa baino dezente baxuagoa izatea; beti aurkitzen dira gutxieneko arazo batzuk».

Hori dela eta, Herri Kontuen Euskal Auzitegiak bere auditoriatik atera dituen ondorioek ez dute Zarraoa «beldurtzen», bere ustez «ez dutelako aparteko garrantzirik, auditoria egin dutenek telebista munduaz duten ezagutza faltaren ondorio baitira».

ALBISTEGIETARAKO BI ESTUDIO Estudioen erabilera urriari dagokionez, EITBko zuzendari nagusiak ETBk Durangon albistegiatarako bi estudio dauzkala azaldu zuen. Nolanahi dela, bere iritziz «begi-bistakoa da ez dela ordu albistegirik izaten. Eta estudioak gutxiegi erabiltzen ditugula esatea zera esatea bezala da: gure etxeetako jantokiak gutxiegi erabiltzen ditugula, uneoro jaten ez gaudelako».

Unitate ibiltarien gaiari helduz, bestalde, «batez ere astebu-



Legebiltzarrean agerraldia egin zuen atzo Zarraoak.

XOUSA SIMAL

‘Dragoi Bola Z’ hizpide

GASTEIZ

Unidad Alavesa alderdiko kideek eginiko galderei erantzunez, ‘Dragoi Bola Z’ Japoniako teleseriea izan zuen atzo hizpide Zarraoak Eusko Legebiltzarrean. Saio hau iragan urtarrilaz geroztik 21.00etatik aurrera ematen dute ETBren lehen katean, eta polemika ugari sortu du duen biolentzia dela eta ez dela.

Zarraoak azaldutakoaren arabera, seirearen emisio ordua haurren programaziotik at geratzen da, programazio hau

ruetako kirol emanaldietan erabiltzen dituztela gogorarazi zuen. «Kirol ekitaldiak», gaineratu zuen, «asteburuetan izaten dira, eta guk ezin dugu behartu kros baten antolatzailea lasterketa astearte batean egitera guk unitate higikorra listo ez daukagulako».

17.00etatik 20.30ak bitartekoa baita. Horrez gain, apirilaz geroztik bere emisioa ordu erdi atzeratuko dutela gehitu zuen.

Hala ere, Zarraoak zalantzan jarri zuen serieak haurrengan izan dezakeen eragin txarra, berak esandakoaren arabera, «duela gutxi eginiko ikerketek fikziozko saioek haurren nortasunean eragin gutxi dutela frogatzen baitute». Bere ustez, askoz eragin txarragoa izan lezakete albistegi bateko irudiek, «umee horiek benetakoak, eta ez fikziozkoak, direla badakitelako».

Azkenik, «harriturik» ere agertu zuen, «zenbaitek ez dutelako ulertzen kazetari batek kazetak irakurri eta albistegiak prestatzeko hoge minutu behar izatea». Kazetariak denbora hori beharrezko du, eta harriagarria da Herri Kontuen Euskal Auzitegi kideek hori ez ulertzea».

Osasun erreforma kontrolatzen ez uztea egotzi dio ELAk Jaurilaritzari

L.K.G. / **GASTEIZ**

Adolfo Muñoz eta Patxi Agirrezabala ELAko bozemaileek Euskal Autonomi Elkarteko osasun erreformaren inguruan Administrazioak kontrolatzeko modurik ez ematea kritikatu zuten atzo Gasteizen egin prentsurrekoan. Osasuna Zaindaz plangintza Legebiltzarrean onartzean ebazpen parlamentarioak Jaurilaritzari «parte hartzeko bideak eskaintzea» eskatu ziola gogorarazi zuten, baina harrezkero pare bat urte inguru igaro arren oraindik gizarteko agente sozialek ez dutela ezer jasotzen salatu zuten.

«Administrazioak printzipio bati eusten dio: zenbait kontu kontrolaezina izatea, eta horrela ibiltzen dira osasun erreformarekin zerikusi duten kontuei dagokienez», deklaratu zuen Muñozek. Agenteen kontrolak ebitatzea «eraginkortasunaren ize-nean» arrazoitu ohi dela esplikatu zuen.

ELAren ustetan, osasun

erreformari buruzko kontuen berri ez emateak «eztabaidarik eza» dakar, «eta hori egundoko arriskua da osasun alorrean, adibidez, liberalizaziorako bidea eman dezakeelako eta horrek hainbat jende izugarri aberastuko luke». Muñozek kezak agertu zituen «pribatizazioa eraman gaitzakeen liberalizazioaren» inguruan.

Agirrezabalak, berriz, Administrazioaren «jarrera itxia» eta «kontzepzio patrimonialista» salatu zituen. Esaterako, gaur egun Osasun Ordenakuntzarako Legearen zirriborroa tajaturik dagoen arren Administrazioak ez diela inolaz ere sindikatuei honen guztiaren berri eman nahi informatu zuen.

ELAk «benetako partehartzerako bideak» eskatu zituen eta Osasuna Zaindaz planarekin gertatu zena berriro ez jasotzeko exigitu zuen, eta Administrazioak azken orduan planaren berri emanez agenteak kontuan hartzeko «itxura» besterik ez zuela egin kritikatu zuen.

Federazioko elkarteek Pizkundearen geroa aztertuko dute larunbatean

L.F. / **BAIONA**

Pizkunda federazioko kideak eta adiskideak bilduko dira datorren larunbatean, martxoaren 25ean, goizeko 10 orenetan Uztaritxeko Lota jauregian. Euskaraz eta euskaltasunaz arduratzen diren guztiei gomita egin zien taldeak gai nagusia aztertzeko: euskal federazioaren geroa. Biltzar nagusia eginu zuen elkarteak joan den otsailaren 28an baina jende gutxi bildu zela aitortu zuten eta «Deiadarren biltzarretan bezalatsu eta jende bertsuak». Horretarako bilkura berezira deitzea erabaki zuen taldeak argi eta garbi bere egituraren geroaz eztabaidatzeko, «geldi ala jarrai».

Lehen bileraren arrakasta

tipia ikusiz, federazioaren beharraz eztabaidatu ziren elkarteko kideak, batez ere kontuan hartuz erakunde ofizialak sortu zirela euskararen zaintzeko eta euskal kulturaren aitzinarazteko. «Baina nork ez du ikusten erakunde horien ahalak mugatuak direla bai botere bai diruaren aldetik?», taldeak azpimarratu zuenez. Bere ustez aterabidea etor liteke federazio batetik, Pizkunda eta Deiadar biek helburu berak dituztelako «batzuek negoziaketak jarraikiz, besteek mobilizazioa sustatuz, bulego berriago eta zabalago baten koordinazio izpi batekin». Proposamen hori aztertuko dute bihar goizean Uztaritzen eta «faltarik gabe etortzeko» eskatu zuen elkarteak, denen afera baita.

HILDAKOAK

ARABA

■ GASTEIZ Jose Manuel Moreno Fernandez, Julian del Rio Saez, 64 urte. Fidel Guinea Herran, 88 urte. Luciano Cantero Cotrina, 75 urte.

■ LAUDIO Jose Miguel Vicente Molinuevo, 36 urte.

BIZKAIA

■ BILBO Antonia Camarero Camara, 88 urte. Ramiro Alonso Ruiz, Higinia Lapuente Olmos, 79 urte. Juan Benito Akosta Pagoaga, 84 urte. Mari Nieves Fernandez del Blanco, 33 urte. Carmen Canduela Fernandez, Daniel Luengas Ortiz, 80 urte.

■ AREATZA Jose Etxebarria Santamaria, 90 urte.

■ BALMADEA Ignacio Arisketa La Serna, 88 urte.

■ BARAKALDO Aurelio Ruiz Villa, 63 urte.

■ BERANGO Ignacio Madariaga Albizuri, 57 urte.

■ DERIO Mercedes Perez Gonzalez, 57 urte.

■ GALDAKAO Manuel Henales Castaños, 64 urte.

■ PORTUGALETE Nieves Gonzalez Lopez, 71 urte.

■ UGAO Antonio Angoitte Gabancho, 90 urte.

■ URDUÑA Daniel Luengas Ortiz, 80 urte.

GIPUZKOA

■ DONOSTIA Agapita Gorrotxategi Arrieta, 77 urte. Jose Maria Moraza Moraza, 67 urte. Maria Jesus Da Concepcion Lopes, 58 urte.

■ ATAUN Aurelia Urrestarazu Lasa, 51 urte.

■ BERGARA Luis Txintxurreta Etxebarriarteun, 53 urte.

■ HONDARRIBIA Rosalia Alza Altuna, 63 urte.

■ LAZKAO Sebastiana Garcia Hernandez, 96 urte.

■ LEZO Andres Aiestaran Intxaurrandieta, 81 urte.

■ USURBIL Pakita Maiatz Aizpurua, 50 urte.

LAPURDI

■ BAIONA Pierre Tremoulet.

■ HENDAIA Denis Candite, 49 urte.

■ MIARRITZE Henriette Dalauny, 89 urte.

■ UZTARITZE Andre Lapeyrate, 31 urte.

NAFARROA

■ IRUÑA Florentina Ibars Gabas, 87 urte. Julia Alvaro Txarrualde, 91 urte.

■ AEZKOA-HIRIBERRI Visitacion Juandeaburre Chiquirrin, 77 urte.

■ ALTSASU Juanita Larraza Ormazabal, 77 urte.

■ LIZARRA Angel Puente Gutierrez, 78 urte.

■ LUZAIDE Inocente Lopez Izquierdo, 91 urte.

■ NOAIN Justo Ibiriku Bergara.

NAFARROA BEHEREA

■ AIZITZE Bernard Egurbide, 89 urte.

■ ARMENDARITZE Arnaud Ohako, 74 urte.

■ ORAGARRE Luce Labegeri, 96 urte.

■ UHARTIRI Raymond Soumade, 70 urte.

ESKELAK

**ESKELAK
ARRATSEKO 7AK
ARTE HARTZEN DIRA:
(943) 300 222**